

**BOSNA REOSIGURANJE DIONIČARSKO DRUŠTVO  
SARAJEVO  
OSNIVAČKI ODBOR**



*Na osnovu čl. 120. Zakona o osnovama sistema osiguranja imovine i lica (Sl. list SFRJ br. 17. od 23. marta 1990.), Skupština Zajednice reosiguranja »Bosna Re« Sarajevo, donijela je odluku o usklađivanju organizacije i formiranju Bosna Reosiguranje dd Sarajevo, kao pravnog sljedbenika Zajednice reosiguranja »Bosna Re«.*

*Osnivački odbor imenovan od Skupštine iz reda sadašnjih reosiguranika Zajednice reosiguranja »Bosna Re« i drugih društveno-pravnih lica, kao osnivača, utvrdio je nacrt Odluke o osnivanju Bosna Reosiguranje, dd i na osnovu zakonskih ovlaštenja upućuje:*

## POZIV

### ZA UPIS I UPLATU OSNIVAČKIH DIONICA U DIONIČARSKO DRUŠTVO BOSNA REOSIGURANJE SARAJEVO

1. Cilj osnivanja Društva je obavljanje ekonomske zaštite imovine i ostvarivanje dobiti u uslovima tržišno orijentisane privrede. Društvo se osniva kao organizacija za samostalno i uspješno obavljanje poslova reosiguranja i drugih poslova na načelima sigurnosti, likvidnosti i rentabilnosti.

Dioničarsko društvo Bosna Reosiguranje se bavi reosiguranjem svih vrsta osiguranja i drugim poslovima u skladu sa Zakonom.

2. Dioničarsko društvo Bosna Reosiguranje Sarajevo izdaje 1.500 dionica prve emisije (običnih dionica) nominalne vrijednosti po 7.000,00 dinara. Dionice se uplaćuju u nominalnom iznosu.

3. Društvom upravljaju dioničari srazmjerno visini sredstava uloženi u Društvo.

Organ upravljanja Društva je Skupština Društva. Pravo glasa u Skupštini imaju dioničari koji imaju najmanje 30 dionica, a oni koji nemaju 30 dionica mogu se udruživati radi ostvarivanja prava glasa.

4. Početni fond sigurnosti iznosi 10.500.000,00 dinara i podijeljen je na 1.500 običnih dionica. Nominalna vrijednost svake pojedine dionice iznosi 7.000,00 dinara.

Početni fond sigurnosti obrazuje se izdavanjem i uplatom dionica.

5. Osnivačke dionice izdaju se po nominalnoj vrijednosti.

Osnivačke dionice mogu kupiti društveno-pravna lica – osnivači.

6. Rok za donošenje odluke o upisu osnivačkih dionica je 20. maj 1990. Donošenjem odluke o upisu osnivačkih dionica osnivač preuzima obavezu da blagovremeno i potpuno uplati upisanu dionicu u predviđenim rokovima.

Pravo na povraćaj uplaćenog iznosa osnivači imaju samo u slučaju da se Društvo ne osnuje.

7. Osnivačke dionice se uplaćuju u gotovom novcu.

Osnivači Društva dužni su da uplate prvu ratu dionica u visini od 50% do 5. juna 1990, a preostali iznos do 15. aprila 1991.

Osnivačke dionice će biti uručene dioničarima nakon registrovanja Društva kod nadležnog suda i potpune uplate ukupne nominalne vrijednosti dionica.

8. Uplata se vrši na račun Zajednice reosiguranja »Bosna Re« broj 10100-714-2-42 sa naznakom »uplata za \_\_\_\_\_ (broj) dionica«.

Sva potrebna obavještenja mogu se dobiti u Zajednici reosiguranja »Bosna Re«, Ognjena Price br. 4. Sarajevo; na telefon br. 071/518-786 i 518-828.

• OSNIVAČKI ODBOR